

Letter 386a: 25 April 1529, Offenburg, Nikolaus Wurmser to the Chapter of St. Thomas

The manuscript of this letter is in AST 22 (5-6).

5 Wurdigen, hoch und wolgelerten heren, dem nach im vertrag zwyschen einem er. rath der stat  
 straßburg ayns und probst dechant und der dryer stiftt verwanten personen so sich ussert halb  
 Straßburg und Iren Stifften enthalten andertheills, außgesprochen und uffgeriecht meldung  
 beschiecht, das der vertrag zû Offenburg abgeredt zwyschen S. Thom. Stiffs personen, so in und  
 10 auß dar stat wonend in sinen krafften beston und bliben soll. In welchem außrücklichen verdingt  
 ist, das die außwoner umb ir vergangne corpora und presents wie sich nachgondige mit rechnung  
 befundt, sollen versichert werden sinn sie und ire erben inen die zubezalen. Auch umb kunfftige  
 corpora und presents noch notturff, fur alles verbietten, verhaften, krieg, auch andern grunt, in  
 15 bester form umb bezalung euch zu verschriben. Und wie wol unsers gesantten gon Speir von uns  
 anderen mit ernfestlichem befelch abgefertiget, ob angezeigten vertrag mit einem er Rath nit  
 lassen beschliessen und versiglen vor und ee solichs von uch gantz volkomlichen uffgerecht  
 verschriben und versigelt, so handt doch Jacob Sturm myn her und vatter, auch in etlich pfarrer  
 altammeister vor dem hochwurdigen fursten und heren Balthasar Bischoffen zu Maltan und  
 20 Rom. Keyser Majestat commisarien und oratorn versprochen und verbiergt, das ir solichs uff  
 unser ansuchen werden wie jetz obgemeldt verfertigen, wie mir nit zwyfelt. Ist deshalb an E. W.  
 myn und myner untheren ernstliche bit, ir wollen solichs unverzieglichen uffriechten und in  
 geschriftt verfassen, und furderlichen plaz und malstadt ernennen, dise zu verhören und zu  
 versiglen, da mit man dester furlichen harnach rechnung geben und empfohen möge und dem  
 stiftt geholffen werd, des wir samphafftig sollen geneigt sin zu thun, und wie wol ich mich keins  
 25 abschlagens gegen uch versyhe, den so ist myn bitt ir wellen mir geschrifttich euwer antwurt gon.  
 Offenburg zu schicken auß, dar nach wysen zu halten. Geben zû Offenburg uff suntag Cantate,  
 den 25 tag Aprilis im XXIX Jar.